

Pegasus ehf  
Sóltúni 24  
105 Reykjavík  
[einar@pegasus.is](mailto:einar@pegasus.is)

Reykjavík 3. maí 2018  
UST201803-435/G.G.  
09.08.02

### **Efni: Akstur utan vega – við Hjörleifshöfða - kvíkmyndataka**

Umhverfisstofnun hefur móttekið umsókn Pegasus kvíkmyndagerðar, dagsett 27. mars 2018, um leyfi til aksturs utan vega sem tengist kvíkmyndagerð, í fjöru við Hjörleifshöfða dagana 7. – 23. maí 2018.

Hjörleifshöfði er ekki friðlýstur.

Heimilt er, ef nauðsyn krefur og með sérstöku leyfi Umhverfisstofnunar, að aka vélknúnum ökutækjum utan vega vegna starfa við viðhald skála og neyðarskýla og vegna kvíkmyndagerðar, enda sé ekki unnt að vinna viðkomandi störf á annan hátt sbr. 2. mgr. 31. gr. laga um náttúruvernd nr. 60/2013.

#### **Lýsing framkvæmdar:**

Sótt er um leyfi vegna aksturs utan vegar í sandfjöru austan við Hjörleifshöfða. Kvíkmynda á ökutæki í akstri sem ekur um 200 metra leið í fjörunni. Alls koma um 100 manns að verkefninu og 20 bilar.

#### **Ahrifamat:**

Umhverfisstofnun metur, miðað við ofangreinda verkefnalýsingu, að framkvæmdin muni að öllum líkendum ekki valda röskun á svæðinu ef tryggt er að eingöngu verði ekið á sandi sem sjór flæðir yfir, allar leiðir skýrt afmarkaðar og ferðir takmarkaðar eins og kostur er.

#### **Skilyrði**

Umhverfisstofnun veitir fyrir sitt leyfi fyrir akstri utan vegar í fjöru við Hjörleifshöfða að uppfylltum eftirfarandi skilyrðum:

- Tilkynna skal landverði Umhverfisstofnunar á Suðurlandi hvenær undirbúningur fyrir verkefnið hefst og þegar því lýkur.
- Umhverfisstofnun skal tilkynnt um öll frávik við áður útgefna verkefnalýsingu.
- Verði breytingar á tímasetningu verkefnis skal það tilkynnt til Umhverfisstofnunar með að minnsta kosti 5 daga fyrirvara, sé þess kostur. Að öðru leyti eins fljótt og auðið er.
- Allur akstur utan vega, umfram þann er leyfi þetta nær til, er óheimill.
- Þar sem þarf að fara út fyrir vegi skal það tryggt að það valdi ekki gróðurskemmdum og raski ekki gróðurhólmum í fjörunni. Afmarka þarf akstursleiðina vel þannig að hún fari ekki yfir gróður.

- Óheimilt er að skaða eða trufla dýralíf.
- Akstur í fjörum skal fara fram sem næst flæðarmáli til verndar þeim vistgerðum sem eru á svæðinu og til að ummerki eftir aksturinn afmáist sem fyrst.
- Umhverfisstofnun skal sendur gps ferill akstursins að verkefni loknu, sbr. 5. mgr 31. gr. náttúruverndarlaga nr. 60/2013.
- Settar verði upp merkingar á tökustöðum og/eða starfsmaður verkefnisins verði til staðar og upplýsi gesti vegna kvíkmyndatökunnar. Sérstaklega skal taka fram að leyfi Umhverfisstofnunar hafi fengist fyrir kvíkmyndatöku og akstri utan vega.
- Sjáist í myndinni að bíl sé ekið utan vega skal þess getið í texta að slíkt sé óleyfilegt á Íslandi og að um undantekningu sé að ræða sem leyfi hafi fengist fyrir hjá Umhverfisstofnun.
- Gæta skal að mengunarvörnum farartækja og þess gætt að mengandi vöki berist ekki í jarðveg og vatn.
- Takmarka skal þann tíma sem kvíkmyndað er eins og kostur er með tilliti til upplifunar annarra gesta á svæðinu. Bent er á að fæstir ferðamenn eru snemma morguns eða að kvöldi til á ferðinni og þeir tímar því oft hentugir til kvíkmyndatöku.
- Þess skal gætt að valda sem minnstu raski fjarlægja öll ummerki um athafnir að tökum loknum. Starfsmenn verkefnisins gangi snyrtilega um svæðin og þess gætt að allt rusl verði fjarlægt. Afmá skal öll ummerki verkefnisins á svæðunum að því loknu.
- Kynna skal fyrir starfsfólk þau skilyrði sem fylgja leyfinu áður en undirbúningur og vinna hefst.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.


**Umhverfisstofnun bendir á að leyfi eins og hér er veitt geta virkað hvetjandi á aðra sem heimsækja fjöruna til að aka utan vega. Mjög mikilvægt er að það komi skýrt fram að svæðið sé lokað fyrir annarri umferð, aðeins sé verið að leyfa akstur um fjöruna af sértökum ástæðum.**

#### **Leyfisgjald**


Umhverfisstofnun innheimtir gjald vegna vinnslu og afgreiðslu umsókna um leyfi á friðlýstum svæðum á grundvelli 2. mgr. 31. gr. laga nr. 60/2013 um náttúruvernd. Gerð verður grein fyrir kostnaði við afgreiðslu leyfa, vegna verkefnisins Kunlun, í sérstöku bréfi.

#### **Eftirlit**

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

  
Sigrún Ágústsdóttir  
sviðsstjóri

Virðingarfyllst,

  
Jón Smári Jónsson  
sérfræðingur